

臨安三志

咸淳臨安志卷之八

行在所錄

諸監

國子監

在紀家橋

學置監仍置博士二員以太學生隨駕者三十  
六人為監生十三年臨安守臣王暎請即錢塘縣  
西岳飛宅造國子監從之監繪魯國圖東西為丞  
簿位後為書庫官位中為堂繪三禮圖於壁用

至道故事也

餘見  
太學

芳潤亭

在後圃丞錢聞詩扁以隸古

書板庫

在中門之內 紹興九年臣僚請下諸道郡學

取舊監本書籍鏤板頒行從之然所取多殘闕

二十一年 旨諭輔臣曰監中闕書令次第鏤

板雖重有所費不惜也由是經籍復全

將作監

在保民坊內

創移大畧見司農寺

紹興三年始置丞一員領

監事凡計料監造

行在官司營房舍屋之類皆

隸馬十一年始置長貳一員主簿孫祖壽記題名

漢九卿將作大匠必襲秦官亦少皞氏以五雉為五工正以利器用唐虞共工周官考工之職也歷

代雖因革不一大率典司皆營繕木土之事隋開皇中始定以寺為監唐天寶中始定以長貳為監

少丞自漢置主簿自晉置負之多寡亦不同焉本朝蓋因唐制主上再造丕基承平官府寢亦

如舊 紹興三年冬十月復監置丞十年冬十月置主簿明年夏四月置長貳官適少府未復故與

軍器兩監分領其所隸自復監設官二十寒暑因循苟且題名未立吏書粉板不足示後祖壽濫掌

外臨安錢端英繼丞事始克就因叙梗槩以揭其首云 紹興二十 丞蘇峴續記將作監題名 紹

三年秋七月庚戌 丞蘇峴續記將作監題名 紹興癸酉始鑄木 易粉板慮其易蠹不足垂久既伐石未暇鑄也由

隆興而末上法 慈訓躬履儉約言室無所營繕 器用不作車服後給器務益省矣于是長貳久闕

勾稽之職亦復不除獨以丞兼治其事歲在戊子

峴由太府丞以嫌自列乃獲踵伯父伯氏後陳悞  
無以稱明年二月礮石改舊刻歷考所載名氏凡  
二十年間由簿而上執國政者二人持從橐者九  
人今之有列于朝者陳公少常伯楊公次對朱公  
貳外府張公奉內祠伯氏為尚書郎亦可謂盛矣  
顧峴之不肖亦得溫吹其間有榮耀焉碑既具乃  
以舊記冠其首而私著其事以  
告來者 乾道五年三月八日 右司員外郎京鏜

### 續記

將作古官也在秦曰少府在漢曰大匠在  
齊曰寺至隋唐始以建名 國朝因之 南

渡以來 在所營繕之事有府尹畿漕分其責由  
是職閑無事監少姜虛丞簿互兼者久之比來人  
才盛多樂于彙進監少丞簿無闕負凡臺省之久  
次與郡邑之有聲者悉寄徑于此今號為儲才之  
地舊有題名各以類分逮鏜承乏為監欲托諸不  
朽而石已無餘訪之它山會移都司不果今開封  
常璞實繼鏜後明年得堅珉與丞清源諸葛廷瑞  
簿丹陽霍麓議變例為編年俾鏜記之竊為官無  
中外亦無劇易均于事主報國而已吾儕立乎人  
之朝要當洗濯故習磨礮壯志相期姓名于簡冊

之上庶于金石有光焉若曰吾于是乎紀歲月志族氏以侈後觀則恐雨淋日炙無復摩挲徒遺後

人作研石爾其念之哉  
淳熙十四年十月朔

# 軍器監

在保民坊內

創徙大畧見司農寺

紹興三年始置丞十一年

置長貳又有製造

御前軍器所別置提舉提轄

等官涖其役近歲專屬殿司而監之事益以省

詳見

製造軍器所門

監王逵記題名

將作名官古也軍器非古也周有六職百工居一焉

漢以少府列九卿其屬考工專主器械軍器非古也其職古也有唐設官軍器與將作並列國朝

具官無負而其職掌隸于三司熙寧制更然後軍器有監有長有貳有丞簿率屬合治與唐六

典建官不殊中興以來承平官府併省多矣而此職具存豈以用武之時所務為急雖時偃武所

以除戎器者不可一曰置耶由長而下異時選用  
人才其間踐文昌登丞弼爛然可睹盛矣速也不  
肖由尚書郎得長是官日虞非村玷辱前列顧瞻  
石刻雖有名氏而未述官守建置之繇輒不少遜  
慨然書之併以姓氏列于諸公之左來者繼之顏  
然瓦石珠璧後先遲莫有榮焉之淳熙三年六月  
二十  
五日

# 大宗正司

在天慶坊 紹定六年判大宗正事師彌建權禮

部尚書魏了翁為記

紹定四年災萬治睦親宅五

年六月甲子 詔以天慶坊魏憲憲王府舊址為  
之屬有司賦大慮財為緡二十餘萬而職歲前後

所發裁及其半判司事嗣秀王師彌斤其私藏以  
承 上意自六年六月戒事至明年 端平改元

八月甲子落成 上書屬籍之閣四大字以寵靈  
之門塾堂垂階 蕙序室公館吏舍庖福儲待鳩俛

告功王過了翁言曰願子識之了翁謝未能也王  
曰子以宗伯載筆太史而子為得辭之子惟古者  
官之長必曰司曰正而周之宗官獨稱伯以別于  
六官之長則所以重正體謹胖合元宗祀也或曰  
彤伯嘗為宗正顏護軍辯其不然矣逮秦人始以  
宗正列于九卿僅掌親屬而宗廟之事屬之奉常  
大夫古人所以敬宗之意至漢魏隋唐迄于我  
朝因之不改昭陵念宗子之無所統一也始于  
宗正寺之外為大宗正司以皇族領之治平元  
年增置同知事元豐官制行又以宗室團練使  
公上有德望者為長而一人為貳之若位高屬尊  
則為判凡以承寧勿協糾遇愆遣祖宗厚倫  
之意至是逾密矣雖然子以古制參之尚有可言  
者古者以廟序宗廟曰宗廟室曰宗室器曰宗彝  
祀曰宗事姓曰宗盟而掌禮者由虞周而來皆曰  
宗下及都家皆有宗人將以別姓叔族寓不言之  
教也是故天子之元子為大宗以繼大祖則別子  
為諸侯者各為一國之大祖而不得稱其先王諸  
侯之元子又為一國之大宗以繼大祖則別子為  
大夫者又各為一家之祖而不得稱其先子為

者亦謂之大宗所以別小宗大夫之次子曰貳宗  
所以副小宗或同姓而異氏也或別氏而合族也  
或有大宗而無小宗也或有小宗而無大宗也或  
無宗而亦莫之宗也或有適子之子而不為適孫  
也有通稱為後而不與適子相承者同服也有宗  
廟之事則尸王列于太室子姓以昭穆為南北面  
旅酬賜爵昭與昭齒穆與穆齒內賓宗婦各如其  
倫其有哭臨之事則同姓于宗廟同宗于祖廟同  
族于彌廟所謂世之遠近齒之長幼分之親疏蓋  
自生長見聞周御于宗廟之中相示以禮樂而意  
已傳上無嫌偏之慮不無覬覦之心法之至善者  
也况又養之于成均以觀其德行雖天子之元子  
亦齒于士也列之于王闈以考其中失雖大夫元  
士之子亦列于王子也逮其可以仕也則選建明  
德自五等之侯兩社之輔三等之采六遂之邑有  
封畛士略以處之彝器分物以昭之祝宗卜史以  
秩之宗氏分族以維之才無大小靡一失職此其  
大略也而于其間非混然無所別異者曹文之昭  
晉武之穆而曹為伯甸武王之母弟八人三列公  
卿而五叔無官魯衛晉皆叔也而文武成康之伯

不獲是分蔡叔康封之兄也而衛先蔡則又于昭  
 穆長幼之中以賢否為進退以功過為先後有尚  
 德勸能之意行乎其間士之生于王族也宗有法  
 廟有序學有教仕有養用有別涵養成就蓋非一  
 日嗚呼夏殷以訖祀宋后稷以訖末孫凡皆有國  
 二千餘年雖以嬴秦之暴幹棄周鼎猶三十年  
 視而弗敢遷親、用賢之效豈秦漢以來褊衷忌  
 意涼法敵事之所及知乎國朝待遇同姓則本  
 乎成周之意視前代之自翦其類根無所蔭者殆  
 不可同日語然而宗法不立無以嚴親、之等嫌  
 忌尚存無以收賢、之效若謂大雅不群為善最  
 樂與夫操觚弄翰之十固多有之若同姓之卿與  
 國同其休戚如古入所謂維翰維城者則予謂當  
 思所以變通之法以蕃王室以強本朝尚古人  
 溉葉流根之意敢因王之請以所得于師友者為  
 王誦之用荅敷明天子崇寵屬籍之休命云

起居舍人真德秀記大宗正題名

利州觀察使天  
 水侯典宗正之

四年教字令行公姓輯睦迺上書北闕旬奉祠  
 鑰以歸詔曰卿正身帥下人無異言其止請勿

侯益感勵顧設官以來題志尚缺于是摭討載籍  
自漢安懿王而下四十有八除授舉改悲書而  
錄之石惟宗正之職起于漢初國朝沿唐置鄉  
少以庀寺事四聖傳序本支日蕃景祐三年  
煇始別置司有知及同知各一人掌其教法政令  
以行藝訓道而篤睦之受其辨訴之事而糾其失  
自是累朝以為盛選非學問通古今行誼冠宗  
室者不以尸其任也若昔同姓之賢惟周唐為最  
盛還觀國家盛時宗臣多魁壘靖重至有名聞  
朔漢諱之以止兒嘍者迨更事變登壇歃血倡義  
師以獎王室首出于維城之英中興百年尤  
磊落相望冠倫魁踐槐鼎功在廟祐者殆與姬  
占埒侍祠燕居澹不與事而純忠厚德屹然為  
國壽俊者亦足繫時重輕其它風猷馨烈暴耀中  
外復不可勝紀益賦周為亡愧而揆唐則過之茲  
非建宮立師時揉月化之效與原是司之設先教  
法而後治法最得先王治親之意肆因侯命而特  
著之俾耒耜者知所本凡憲令糾禁在有司者皆不  
書侯名師岳字景瞻崇憲靖王之世子世為  
宗室祭酒云嘉定六年十一月朔旦趙時逢

記丞題名

宗正置官尚矣宋百官春秋曰周封同

宗正宗正置官自此始成王時彤伯嘗為是官或

曰彤伯為宗伯非是按六典小宗伯掌別三族辨

親疎即古宗正職也漢興設官以序九族屬有丞

非劉氏不昇兩都相望號千里駒載獨行傳者尤

表：可錄厥後親賢迭用遼東時髦一涉筆沾位

允稱華選皇朝列聖授相輯宗睦族眠前代

有加宗正顓頊王牒大宗正實治董其事枝葉

後楸條緒日廣熙寧三年置二丞命都官郎張

稚圭等為之訖今百三十有二載負不並置佐理  
深重時逢幸承乏又辱在同盟揣：焉惧弗稱厥  
職暇日參訂前燭文書脫畧漫不可究自詹事王  
公而下厘得三十九人靖思中興以來歲月未  
大遠前人名氏所失幾半若今登載弗即後將有  
攷由今視前肆謀伐石會有援光局例徠助事迥  
竟時逢未至得板聯不朽竊與榮焉治所徙于潛  
苑聽東鄉前有池色紺綠如染因即其欄植軒十  
二楹北一室餘隙地晦許鑿壁為牖青松老梅交  
峙森刮屬秘書委公機作隸古扁曰衍芳蓋取芳

林故事用昭我國家本支蕃  
衍併識諸左嘉泰壬戌上巳

屬籍之閣

理宗皇帝御書

省所

茶鹽所

會子所

公田所

封椿安邊所

右並在三省大門內以都司提領舊有安邊所創  
於嘉定初拘催簿錄家產及有市權所牙契所

後因吏胥蠹弊走卒繁擾咸淳四年奉  
聖旨撥入封樁所又有市舶所創於  
淳祐十二年近亦因  
朝廷察見吏姦於咸淳六年準  
指揮併行省罷

院轄

登聞檢院

登聞鼓院

中興初建於和寧門之下  
紹興二十八年移

置麗正門外左右闕之南左檢院右鼓院監官

解舍皆在鼓院南監院張叔振記檢院題名

因國朝

之舊設四廩以通下情曰崇仁思諫申明招賢置  
廩院宣德門外之西北廊既易廩為檢又改為登  
聞院景德四年始改登聞檢院檢函之置蓋不  
但以達幽枉亦堯鼓舜木禹鞀周肺石之意大哉  
制乎宜四方萬里猶一堂也南渡以來創治所  
于和寧門之下紹興戊寅渡承平之制移置  
雙闕之左比年臺閣省寺之英往於此乎出寶  
儲于之地舊設官二員隆興改元得旨省其  
一故自趙彥博而下皆獨員雖職清事簡比他院  
無劇務然九重明目達聰所繫民之休戚軍國  
之利病所由達屏竒袞進忠鯁信抑枉去壅遏  
以仰碑聖治萬分之一則職業惟謹也院故無壁  
記以見前人之名氏歲月淳熙壬寅長樂陳公  
曄到官始索之故積自紹興庚申迄其時僅得  
三十四人其間李文中之後王述之前又脫畧六  
年無所考之自陳曄而後至叔振承之又得十人  
歲乙卯毗陵守張公貴謨今為樞密院檢詳諸房  
文字以書來諗曰題名碣可置乎頃嘗庀職請循  
它局例輒奉以助鑿工僕曰事之幸會而成固有  
時若此哉願冷局無所得石迺求於畿漕而磬之

繇是前者有稽後者有繼院之闕典以備而勵職  
抗志之士得以託名不朽云慶元二年五月

### 監院趙夢極記鼓院題名

也職掌之有題誌匪觀傳  
也沿流溯源記久傳遠

目其人知其政使來者有所勉亦官箴之一助也  
今仕于朝者凡百司庶府皆得以姓名登諸石獨  
鼓院闕此未講豈以其位卑局冷遂畧而不傳歟  
夫人赴愬于上如水欲決如火欲達一或過之為  
害滋甚然而勢易隔情易壅深山窮谷遐陬僻壤  
能累囊竭愛奔走于官府之庭者固甚難而其窮  
民無告懦夫不立吞聲躑躅能叫號于有司以冀  
萬一之聽者抑又甚難今也無遠近無強弱操盈  
尺之紙書平時之憤曾不崇朝即徹淵聽視  
帝閣萬里若咫尺然此司鼓之官所不可廢也  
國初領以內品至道三年易畀朝臣以示崇重  
景德四年命諫官奉常為之主判至今與檢匭同  
隸諍垣祖宗之意微矣夢極公膺濫吹是職  
亦既數月竊恠題誌之不立姓字之無傳是為闕  
典乃得紹興丁卯而下二十有九人裒而列之  
堅珉蓋遠者莫克記也在昔政良而火狎獄結而

雨注否則飛盛夏之霜亢東海之旱致祥致異捷  
若影響有周哲王植路鼓設肺石汲、于達民者  
正為是爾我藝祖朝雖一猴豚之失猶得以聞  
况大于此者乎今日朝廷清明當宁宵旰  
軫念民瘼為臣子者宜恪恭迺職以既厥心視民  
隱憂如切諸已使情不壅于上聞德易至于下究  
是司鼓之責也敢併以  
書慶元五年四月

### 都進奏院

在朝天門外有題名記不書作者姓氏

故事官府

以紀居官者之名氏年而列之備遺忘也進奏院  
掌邦國傳遽之事則周官行夫其職也而自唐始  
以知院名厥初方鎖治襲舛逆得自置吏京師其  
在公家不惟駢贅而已又若跌韞于是乎制今稽  
遠束薪不流規邇交午温木罕祕宋興盡罷節  
度使權至太平興國中迺因何保樞之請以鈐  
轄諸道扁院額而摹印章率用名流上宣于達歷  
闔闔登太清殆百倍如唐時中興復置于